

**Qitiusumik Inuit Nalunaarsorsimaffiat pillugu inatsip allanngortinnera pillugu inatsimmi, Kalaallit Nunaanni folketingimut qinersisarneq pillugu inatsimmi aamma Folketingimut qinersisarneq pillugu inatsimmi aalajangersakkat ilaat Kalaallit Nunaannut atuutilernissaat pillugit Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut**

**(Inunnik Namminersorlutik Oqartussanit Naalagaaffimmilluunniit nunanut allanut suliartoqquneqarsimasunik il. il. Danmarkimi aamma Kalaallit Nunaanni najugaqartutut nalunaarsuineq, kiisalu Danmarkimi aamma Kalaallit Nunaanni folketingimut qinersinissamut allattorsimaffianut nalunaarsorneqarneq)’ UKA 2022-mi Inatsisartunut saqqummiunneqarnissaa siunertaralugu**

(Naalakkersuisut Siulittaasuat)

### **Saqqummiussissut**

#### **Siullermeerneqarnera**

Qitiusumik Inuit Nalunaarsorsimaffiat pillugu inatsip Kalaallit Nunaannut atuutilernissaanut aalajangiiffigisassatut siunnersuut Inatsisartunut 2006-imi saqqummiunneqarmat § 24, imm. 5 aamma 6 ilanngunneqanngillat.

§ 24, imm. 5 aamma 6 ilanngunneqarsimannnginnerat pissutigalugu ullumikkut inuit Nunanut Allanut Naalakkersuisoqarfimmit sinniisoqarfimmut suliartoqquneqarsimasut inuit nalunaarsorsimaffiani kunngearfiup avataanut suliaorsimasutut nalunaarsorneqartarput. Tassa imaappoq, suliartoqquneqarsimasut nunatsinnut angerlaraangata isumagineqarnissamut, aningaasaqarnikkut kiisalu Kalaallit Nunaanni innuttaasutut pisinnaatitaaffitik aallaqqaataanit pissarsiariniaqqaartarpaat. Peqqussutip amigaataanera meeqqanut aallaqataasimasunut inuunerisa ilaanni pisinnaatitaaffeqarnikkut kingunerluuteqarujussuarsinnaavoq.

Taassuma saniatigut siunnersuutip inuit naalagaaffiup avataanut suliartoqquneqarsimasut pisinnaatitaaffimminnik piginniinnarnissaat aamma Kalaallit Nunaannut atassuteqaannarnissaat qulakkiissavaa. Inuusuttunuttaaq Sakkutuutut nunanut allanut suliaortinneqartunut atuutissaaq. Aammali Kalaallit Nunaanni qallunaat oqartussaqaarfiini atorfeqartunut avammut suliartoqquneqartussanut. Peqatigisaanik inuit Kalaallit Nunaanni inuit allattorsimaffianni nalunaarsorsimasut Nunanut Allanut Ministeriaqarfimmit avammut suliartoqquneqarpata atuutissaaq.

Kalaallit Nunaannit avammut suliartoqquneqartut qallunaat naalagaaffianit avammut suliartoqquneqartunit pisinnaatitaaffikinnerussappata Naalakkersuisut ajornartorsiutaalluinnarsoraat. Massuma siunnersuutip pissutsinik taamaattumik aaqqiissuteqarnissaaq siunertaraa.

Naalackersuisut isumaqarput taakku inuit Namminersorlutik Oqartussanit nunanut allanut sinniisoqarfimmullu sunniisuujartorlutik suliartoqquneqartut, Kalaallit Nunaata innuttaasuattut isigineqassasut kiisalu Kalaallit Nunaanni innuttaasut assigalugit pisinnaatitaaffeqassasut pisussaaffeqarlutillu. Avammut suliartoqqusat Kalaallit Nunaat sinnerlugu kiinnertuupput.

Taamatut oqaaseqarlunga aalajangiiffigisassatut siunnersuut Inatsisartunut akuersaartumik suliassanngorlugu tunniuppara.